



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
Općinski načelnik

Na osnovu člana 69. Statuta Općine Centar Sarajevo – prečišćen tekst ("Službene novine Kantona Sarajevo", broj: 23/04), člana 5. Pravilnika o stipendiranju učenika i studenata („Službene novine Kantona Sarajevo“, broj: 33/18), Općinski načelnik raspisuje

KONKURS

za stipendiranje učenika i studenata u školskoj/akademskoj 2018./2019. godini

Pravo na stipendiju imaju učenici srednjih škola i studenti koji se nalaze na redovnom školovanju u srednjim i visokoškolskim ustanovama, a imaju prebivalište na području općine Centar Sarajevo u neprekidnom trajanju od godine dana do dana podnošenja prijave i to:

- 1. učenici srednjih škola sa najmanjom prosječnom ocjenom od 3,50, a učenici prvog razreda srednje škole koji su u toku osnovnog obrazovanja, odnosno od šestog do devetog razreda stekli prosjek ocjena 4,00;**
- 2. redovni studenti prve godine I ciklusa studija sa najmanjom prosječnom ocjenom od 3,50 iz završnog razreda srednje škole;**
- 3. redovni studenti I i II ciklusa studija, koji prvi put upisuju tekuću akademsku godinu sa prosjekom ocjena od najmanje 7,00;**

Stipendije za učenike/studente dodjeljivat će se na osnovu broja bodova koji se utvrđuju za svakog prijavljenog kandidata prema slijedećim kriterijima:

- bodovi po osnovu rezultata u učenju,
- bodovi po osnovu niskog porodičnog standarda,
- bodovi po osnovu otežanih uslova života
- bodovi po osnovu otežanih uslova života koji su nastali kao posljedica rata
- bodovi po drugim osnovama

Uz prijavu je neophodno priložiti slijedeću dokumentaciju kojom se dokazuje ispunjavanje navedenih kriterija (original ili ovjerenu kopiju):

- svjedočanstvo o uspjehu u prethodnoj školskoj godini, a za učenike I razreda srednje škole svjedočanstvo o završenom IX razredu i uvjerenje o prosjeku ocjena za VI, VII i VIII razred;
- uvjerenje o prosjeku ocjena u prethodnoj akademskoj godini, a za studente I godine svjedočanstvo završnog razreda srednje škole;
- potvrda o upisu u tekuću školsku/akademsku godinu;
- kućnu listu o broju članova zajedničkog domaćinstva,
- dokaz o ličnim primanjima istih: zaposleni-platnu listu ili potvrdu o visini plaće za posljednji mjesec; penzioneri posljednji ček; uvjerenje o primanjima po osnovu boračko-invalidske zaštite i zaštite civilnih žrtava rata; nezaposleni-potvrdu Zavoda za zapošljavanje, a ako nisu prijavljeni kod Zavoda, uvjerenje Federalnog zavoda PIO/MIO da nisu na evidenciji; potvrdu o redovnom školovanju člana porodice, odnosno rodni list za predškolsko dijete;
- za sve punoljetne članove uvjerenje porezne uprave o prihodima ostvarenim po osnovu poljoprivredne djelatnosti, imovinskih i autorskih prava, privrednih, uslužnih i drugih djelatnosti te dopunskih djelatnosti (**obavezno za sve kandidate**).
- dokaz da je učenik/student:
 - bez jednog ili oba roditelja,
 - čiji su jedan ili oba roditelja neratni invalidi,
 - sa invaliditetom,
 - korisnik dječjeg dodatka;
- dokaz da je učenik ili student čiji je jedan ili oba roditelja:
 - poginuo/li kao pripadnik/ci OS RBiH,
 - ratni vojni invalid (sa naznačenim stepenom invalidnosti)
 - bio pripadnik OS RBiH
- Uvjerenje o kretanju, a ako je kandidat maloljetan Uvjerenje o kretanju za roditelja – staratelja (MUP KS - PU Centar).

- Izjava učenika/studenta, odnosno roditelja/staratelja ukoliko je učenik maloljetan, kojom se daje saglasnost da se njegovi lični podaci mogu obrađivati u skladu sa članom 5. Zakona o zaštiti ličnih podataka, a za potrebe provođenja konkursne procedure;
- Izjava da učenik/student ne prima stipendiju po nekom drugom osnovu;

Stipendije će se isplaćivati 10 mjeseci počevši od septembra 2018. godine i to:

- za srednje obrazovanje u iznosu od 80,00 KM i
- za studente na visokoškolskim ustanovama u iznosu od 100,00 KM.

Ukupan broj stipendija koje će se dodijeliti u tekućoj školskoj/akademskoj godini, odredit će se nakon usvajanja Budžeta, prema raspoloživim sredstvima za ovu namjenu.

Stipendija se neće dodjeljivati kandidatima koji primaju stipendiju po nekom drugom osnovu, koji su obnovili godinu i apsolventima.

Preliminarna rang lista izabranih kandidata, sa rokom za podnošenje prijave, objavit će se na Web stranici i Oglasnoj ploči Općine Centar. Kandidati će moći podnijeti pismeni prigovor na listu, u roku od osam dana od dana objavljivanja liste.

O konačnim rezultatima konkursa svaki prijavljeni kandidat će biti pismeno obaviješten. Nepotpune i neblagovremene prijave neće se uzeti u razmatranje.

Prijavu na Konkurs (koju možete naći na web strani www.centar.ba ili lično preuzeti na info-pultu Općine Centar Sarajevo) **sa potrebnom dokumentacijom dostaviti lično na protokol Općine Centar Sarajevo ili poštom preporučeno na adresu Mis Irbina broj 1, uz naznaku "Prijava za stipendiju"**.

Rok za podnošenje prijave je 7.11.2018. godine.

Broj: 09/C-38-758/18
Sarajevo, 19.10.2018. godine